

Канон святой великомученице Варваре

Память празднуем 4 (17) декабря

Глас 2-й

Песнь 1

Ирмос: Во глубинѣ постла иногда фараонѣтское всевоинство преоружѣнная сила; воплощаеся же Слово всезлѣбный грех потребило есть: препрославленный Господь, славно бо прославися.

Припев: Святаѣя великомученице Варваро, моли Бога о нас.

О Троице пребожественная честная! Яже паче ума дарование Твоим рабom подающи, светоносную вдохни мрачному моему уму лучу, Твою похвалити мученицу Варвару приснопамятную (Дважды).

Святаѣя великомученице Варваро, моли Бога о нас.

Похвалений всяк предел воистинну превзыде, Твоих мученик слава, Человеколюбче; но, еже от веры по силе прием хваление, возниспосли, Владыко, богато воздаяние.

Слава: От терноваго корене израсте шипок краснейший, Церковь Христову облаговонстви; и червлением страдания обогрившия кровию славная Варвара, юже достойно воспоем.

И ныне: Превышши явилася еси Чистая, всякия твари, видимыя же и невидимыя, Приснодево: Зиждителя бо родила еси, якоже благоволи воплотитися во утробе Твоей. Егоже со дерзновением моли спасти поющия Тя.

Песнь 3

Ирмос: Процвела есть пустыня, яко крин, Господи, языческая неплодящая церковь, пришествием Твоим, в нейже утвердися мое сердце.

Святаѣя великомученице Варваро, моли Бога о нас.

Уязвляема любовью Твоею, яко Жениховою, Владыко, неодержным стремлением страстотерпица Варвара все отеческое безбожие возненавиде.

Святая великомученице Варваро, моли Бога о нас.

Ни сладости красота, ни цвет доброты, ни богатство же, ни сладости юности усладиша ты, Варваро славная, Христу уневестившуюся, добрая дево.

Слава: К совершенным подвигом ничтоже явися возбранение немощи женстей, ни юность возраста, Христэ: невидимою бо Твоею силою укрепляема.

И ныне: Чини удивишася ангельстии, Пречистая, и человеческая устрашишася сердца о рождестве Твоем. Темже Ты Богородицу верою чтим.

Седален, глас 3-й

В страдании твоём вся удивила еси, яко претерпевши мучителей раны, связания муки и темницы, Варваро прехвальная. Темже и венец с небес тебе даде Христос, к Немуже, возжелевши усердно, притекла еси: Той благодать подаде тебе, мученице, врачевания источати человеком.

Слава, и ныне: Божественная скиния была еси Слова, едина Пречистая Мати Дево, чистотою Ангелы превозшедшая. Паче всех мене, персть бывша, осквернена плотскими прегрешеньми, очисти молитв Твоих Божественными водами, подаючи, Чистая, велию милость.

Песнь 4

Ирмос: Пришел еси от Девы, не ходатай, ни Ангел, но Сам, Господи, воплощся, и спас еси всего мя человека. Тем зову Ти: слава силе Твоей, Господи.

Святая великомученице Варваро, моли Бога о нас.

Из Девы рождся, даровал еси отроковицам девам кичение низложити лстываго: темже добропобедная Варвара сего гордыни поругася.

Святая великомученице Варваро, моли Бога о нас.

Прамати хитростями лстываго прельстившиися первее, пищи изгнана бысть райския; Варвара же сему поругавшиися, в небеснем чертозе ныне водворяется.

Слава: Крестом Твоим смерти силу разорил еси: темже,

телесé отрокови́ца, Христé, не пощаде́вши, térпит до́блественнейше ра́ны Варва́ры, твёрдым умом.

И ныне: Тя приста́нище спасéния, и стéну необори́му, Богороди́це Влады́чице, вси вёрнии véмы: Ты бо моли́твами Твои́ми от бед избавля́еши ду́ши на́ша.

Песнь 5

Ирмос: Ходата́й Бо́гу и челове́ком был еси́, Христé Бо́же: Тобо́ю бо, Влады́ко, к светонача́льнику Отцу́ Твоему́, от но́щи неведéния приведе́ние има́мы.

Святáя великомученице Варва́ро, моли́ Бо́га о нас.

Око́нцы тремí, ба́ни просвещáтися повелéвши, та́инственно написáла еси́ Крещéние, Варва́ро, тро́ичным свéтом, ду́ши светонóсное сущéе очищéние.

Святáя великомученице Варва́ро, моли́ Бо́га о нас.

Сущáго Бо́га разжéгшися рéвностию, лжеимéнных богов скверна́вая оплева́ лица Варва́ра всехва́льная, ругáющися отрокови́ца внéшнему миродéржцу.

Слава: Неистовства лю́таго óтча уклóншуюся Варва́ру, разстúпльшися, áбие горá прият, я́коже дрéвле приснопáмятную первомученицу Фéклу, Христу́ чудодéйствовавшу.

И ныне: Моли́ Твоего́ Сы́на и Го́спода, Дéво Чистая, пленéнным избавлéние от противнаго обстоя́ния на Тя надéющимся, мирное даровáти.

Песнь 6

Ирмос: Во глубинé грехóвней содержи́мь есмь, Спа́се, и в пучи́не житéйстей обурева́емь; но я́коже Ио́ну от зве́ря, и менé от страстéй возведи́, и спаси́ мя.

Святáя великомученице Варва́ро, моли́ Бо́га о нас.

Я́коже обеща́лся еси́ мúдрость даровáти, Спа́се, богонаучéну, Тебе́ ра́ди стоя́щим пред суди́щем мучи́телей, ея́же мученица Варва́ра испóлнися.

Святáя великомученице Варва́ро, моли́ Бо́га о нас.

Безбо́жных лeсть изобличила́ еси́ слóвом богомúдным, Варва́ро сла́вная; терпéнием же дел, мучи́телей мудровáния

удивіла есі.

Слава: Ра́нам неща́дно строгáтися, рúбы же власяны́ми твёрдо востирáтися, Христа́ ра́ди, непорóчная страсотёрпица тѣло предаде́.

И ныне: Неискусомúжно, Де́во, родила́ есі, и вѣчнуеши Де́ва, являю́щи істиннаго Божества́, Сы́на и Бо́га Твоего́, о́бразы.

Кондак, глас 4-й

В Тро́ице благоче́стно пева́емому послѣдовавши Бо́гу, страсотёрпице, ідо́льская притупі́ла есі чті́лица; посреде́ же по́двига страда́льчествующи, Варва́ро, мучітелей прещѣ́ния не устраші́лася есі, мужемúдренная, велегла́сно пою́щи прісно: Тро́ицу чту Еди́но Божество́.

Икос

Уневѣстившуюся Христу́ мучѣнием Варва́ру, соше́дшеся, почті́м досто́йно: я́ко да, тоя́ моли́твами па́губы душетлѣ́нныя изба́вльшеся, и губітельства, тру́са и падежа́, жити́е в мі́ре препрово́дим, сподобившеся со все́ми святы́ми, от ве́ка Бо́гу благоугоди́вшими, ходіти во све́те, и пѣти с ні́ми, удиві́л есі, Спа́се, Тво́я мѣ́лости, всем челове́ком, ве́рою испове́дающим: Тро́ицу чтим Еди́но Божество́.

Песнь 7

Ирмос: Богопроти́вное велѣ́ние беззако́нующаго мучітеля высо́к пла́мень вознесло́ ест; Христос́ же простре́ благочесті́вым отроко́м рóсу духо́вную, Сый благословѣ́н и препрославлѣ́н.

Свята́я великомученице Варва́ро, моли́ Бо́га о нас.

Иже зѣ́млю погубі́ти, и потребі́ти мо́ре, мучітель, сýетно свирѣ́пствуя, я́ко игра́лище лежи́т Варва́ры отрокови́цы под нога́ми: сего́ бо попра́в, Христос́ я́коже пти́цу хúду связа́.

Свята́я великомученице Варва́ро, моли́ Бо́га о нас.

Ра́нами нестерпíмыми тво́емý стру́жему тѣлу́ все́му, обагрѣ́ну же кровѣ́й ка́плями, свещáми претерпѣ́ла есі пали́ма по ребро́м, мученице́ всехва́льная, Христа́ благодаря́щи, Варва́ро сла́вная.

Слава: О, безчеловѣчнаго и немилосѣрднаго мучителей суровствá и мнóжайшаго безбóжества! Сосцы́ бо мýченицы я́коже в мясосѣчнице, люте мечи́ отсеца́ху, ум утвержда́ющия к подвигополо́жнику Христу́.

И ныне: Святы́х Святе́йшую поразумева́ем Тя, я́ко Еди́ну рóдждшую Бо́га непреме́ннаго, Де́во несквѣрная, Ма́ти безневѣстная: всем бо источи́ла еси́ вѣрным нетлѣние, Божественным рождеством Твоим.

Песнь 8

Ирмос: Пещь иногда́ о́гненная в Вавилóне дѣйства разделяше Бо́жиим велѣнием, халдѣи опаля́ющая, вѣрныя же ороша́ющая, пою́щая: благослови́те, вся дела́ Господня, Го́спода.

Святáя великомученице Варвáро, моли́ Бо́га о нас.

Явися́ тебѣ Христóс во свѣте непристúпнем, заключѣнной, о, Варвáро, в темни́це, дерзати повелева́я, и рáны врачу́я, и ра́дость дáруя: тѣмже впери́лася еси́ твоего́ Жениха́ рачѣнием.

Святáя великомученице Варвáро, моли́ Бо́га о нас.

Явися́, Христé, явлѣнно проречѣние Твое́ исполнено: отѣц бо ча́до на смерть предаёт, самоделатель же заклáния быв ока́янный родите́ль Твоея́ мýченицы. Тѣмже с небесе́ огнем истреби́ся.

Слава: Ангел свѣтел оде́ждею световидною́ ты, Христá ради обнажѣнную, честна́я Варвáро, одея́ше, я́коже невесту́, обходя́щу стра́сти: оде́жди бо, мýченице, совлекла́ся еси́, Божественное приѣмши изменѣние.

И ныне: Ты от Отца́ неразлúчнаго, во чрѣве богомýжно пожившаго, безсе́менно зачала́ еси́, и несказáнно родила́ еси́, Богороди́тельнице Пречи́стая: тѣмже Тя спасѣние всех нас испове́даем

Песнь 9

Ирмос: Безнача́льна родите́ля Сын, Бог и Господь, вопло́щся от Де́вы, нам явися́, омрачѣнная просвети́ти, собрати́ расточѣнная. Тем Всепѣтую Богорóдицу велича́ем.

Святáя великомученице Варвáро, моли́ Бо́га о нас.

Сла́вную имúщи прияти кончи́ну мечём, Варвáро, мучѣния

твоего, со Иулианиею венцев мученических сподобльшися, глас Божественный услышала еси, исполняющий моления твоя.

Святая великомученице Варваро, моли Бога о нас.

Твоему сочетавшися ныне Всецарю Жениху Христу, облиставшися славою, Варваро, божественного света, в небесных чертогах, певцы твоя назирай, страстей изменяючи, и приводящи живущему Богу.

Слава: Исполняя твоё прошение, Варваро страсотерпице, Христос врачевания подаёт совершающим твою верою летнюю память. Яко истинно морской песок твоя превзыдоша благославная чудодейства.

И ныне: Чертог была еси, иже паче ума, воплощения Слова, Дево Богородительнице, одеяна славою добродетелей и испещрена. Тем Тя, Всенепорочная, Богородицу возвещаем.

Молитва первая

Святая славная и всехвальная великомученице Христова, Варваро! Предстояще пред святою твоею иконою, страдания твоя мученическая и в них Самого страсположника Христа, давшего тебе не тобою еже в Него верить, но и еже по Нем страдати, похвалами убожающе, молим тя, известная желания нашего ходатаице: моли с нами и о нас умоляемого от Своего благоутробия Бога, да милостивно услышит нас, просящих Его благостыню, и не оставит от нас вся ко спасению и житию нужная прошения, и дарует христианскую кончину живота нашего безболезненну, непостыдну, мирну, Божественных Таин причастну; и всем на всяком месте, во всякой скорби и обстоянии, требующим Его человеколюбия и помощи, великую Свою подаст милость, да благодатию Божиею и твоим теплым представством, душею и телом всегда в здравии пребывающе, славим дивнаго во святых Своих Бога Израилева, не удаляющего помощи Своея от нас, всегда, ныне и присно и во веки веков. Аминь.

Молитва вторая

Премудрая и всекрасная святая великомученице Христова Варваро! Блаженна еси, яко премирная мудрость Божия плоть

и кровь не яви тебе, но Сам Бог Отец Небесный, Иже тебе, веры ради от невернаго отца оставленную, изгнанную и умерщвленную, в дочь Себе возлюбленную прият; за тленное земнаго имения наследие плоти нетление дарова; труды мученическаго упокоением небеснаго измени Царствия; временное твое житие, смертью Его ради пресеченное, сицевою воспрослави почетом, яко душу с лики небесных вчини духов, тело же, на земли в храме их ангельском положенное, Ангелом заповеда сохранити цело, честно и многочудесно. Блаженна еси, Христу Сыну Божию, Жениху Небесному, уневестанная дево, Егоже доброты твоея Рачителя имети желаючи, всю себе страданием, ранами, удов резанием и самыя главы усечением, аки утварьми дражайшими, потщалася еси украсити: да тако, яко жена, верна главе своей мужу, Христу духом и телом соединиши неразлучно, глаголющи: обретох, Егоже возлюбил душа моя, удержал Его и не оставил Его. Блаженна еси, яко Святыи Дух на тебе почил есть, Иже духовными духовная разсуждати научена, вся духи лукавствия во идолах яко пагубныя отринула еси и Единого Бога Духа познавши, яко истинная поклонница, духом и истиною кланятися изволила еси, проповеднически глаголющи: Троицу чту Единое Божество. Сию Святую Троицу, Юже в животе и смерти исповеданием и страданием своим прославила еси, умоли о мне, представительнице моя, яко да и аз всегда тройственной веры, любви и надежды добродетелию Туюжде святую Троицу почитаю. Имам светильник веры, но празден благих дел елеа: ты, мудрая дево, страдальческую плоть твою, крове исполненную и ранами преливающуюся, аки светильник имущая, даждь от елеа твоего, да тем душевную мою свещу украсивши, сподоблюся по тебе в чертог небесный. Пресельник аз есмь на земли и пришлец, якоже вси отцы мои; благ вечных наследнице и блаженная вечера в Царствии Небесном причастнице, яко в странствии жития, Трапезы Божественныя угождения, сице и во исходе от мира желаемого сподоби мя напутствования; и егда в конец сном смерти начну усupati, коснися тогда изнемогающия плоти моея, яко иногда Ангел Илии, глаголющи: востани, яждь и пей: яко да благодатию

Божественных Телá и Крóве Таин укреплен преидú в крепости
яди тоя далéкий путь смёрти, да́же до Горы́ Небéсных: и та́мо,
Его́же ты чрез три окнá бáнная прéжде véрою, Бóга Трóицу,
узрела еси́, Сего́ кúпно с тобо́ю лицéм к лицу́ да удостóюся
видети и сла́вити Его́ в несконча́емая вéки. Амíнь.